

” **Хар бир давлат хизматчиси ҳар куни ўзининг меҳнати билан эгаллаб турган лавозимига лойиклигини исботлаши керак.**

YANGI TASHABBUSLAR DENOV YOSHLARI MISOLIDA

(Давоми. Бошланғич 1-бегда.)

Shu bois "mahalla-maktab-sport muassasasi-federatsiya" tizimi asosida yangi yondashuv joriy etilmoqda. Endilikda oliyogħ rektorlari, federatsiyalar va mahalliy hokimliklar o'rtasida hamkorlik kuchaytiriladi.

Dual ta'lim tizimi asosida sport yo'nalishidagi talabalar murabbiylik faoliyatiga jalb qilinadi. Ular haftaning bir qismida o'qib, qolgan vaqtida maktab va to'garaklarda yoshlar bilan ishlaydi. Eng muhimi, bunday talabalarga murabbiylik va hakamlik sertifikatlari beriladi.

Denov tajribasi — e'tiborga loyiq

Bu borada Samarqand davlat universitetining Denov tadbirkorlik va pedagogika institutida quyidagi imkoniyatlar yaratib berilgan. Ya'ni, 3 ta yopiq sport zalilari va 5 ta yashil sport maydonlarida sportning katta va kichik futbol, voleybol, qo'l to'pi, basketbol, stol tennisi, engil va og'ir atletika, kamondan o'q otish, kikkboxing, dzyudo, kurash, bel olish kurashi, qo'l kurashi, shaxmat, shashka turlari bo'yicha tizimli to'garaklar tashkil etilgan. Natijada talabalar qisqa vaqt ichida quyidagi "Talabalar ligasi", "Besh tashabbus

olimpiadasi", "Universiada", "Vazir kubogi", "Hokim kubogi", "Rektor kubogi" kabi OTM, viloyat, respublika, xalqaro va jahon musobaqalarida muntazam ishtirok etib kelinmoqda. Bu esa boshqa talabalar o'rtasida sportga qiziqishni yanada oshirmoqda.

2025-yil yakunlariga ko'ra, institut talabalari quyidagi natijalarga erishildi:

- 1 nafar jahon chempioni (O'zbek jang san'ati) - Jumanazarov Valijon;
- 2 nafar jahon kubogi sovrinori (O'zbek jang san'ati) O'rolov Jamoliddin, (Kikkboxing) — Hikmatova Jasmina;
- 1 nafar xalqaro tumir g'olibi (Belolish kurashi) — Mirzayev Sanjar;
- 2 nafar xalqaro musobaqalar sovrindori (Kurash) — Abdulaxatov Alimardon, (Belolish kurashi) — Qulmurotov Javlonbek;

Shuningdek, talabalar orasida 6 nafar sport ustasi, 10 nafar sport ustaligiga nomzod hamda 30 dan ortiq sport razryadiga ega yoshlar borligi quvonarlidir.

Ayrim sportchilarimizning natijalari ham e'tiborga molik. Jumladan, parapauerlifting bo'yicha respublika chempionlari, kurash va taekvondo yo'nalishida sovrindorlar, shuningdek, mini-futbol jamoasining respublika bosqichidagi muvaffaqiyatlari institut sport salohiyatining yuqori ekanini



ko'rsatadi. Shuningdek, DTPi bugungi kunda 15 ta davlatning 94 ta universitetlari bilan hamkorlik aloqalari o'rnatilgan bo'lib, aynan Jismoniy madaniyat ta'lim yo'nalishi talabalari Turkiyaning Firat Universitetida akademik mobillik doirasida tahsil olib o'z tajribalarini oshirmoqda.

Kelajak sari ishonch bilan

Bugungi kunda DTPida Jismoniy madaniyat ta'lim yo'nalishida 230 nafar talabalar tahsil olmoqda bularning barchasi va boshqa ta'lim yo'nalishlarida ta'lim olayotgan sport to'garaklariga qatnashadigan 1000 dan ortiq talabalar belgilangan sport platformalari orqali ro'yxatdan o'lib, faol ishtirok etmoqda. Shuningdek, "Talaba yugur", "Sport sinovlari", "5000 qadam" kabi loyihalarda faol ishtirok etib ommaviy sportni yanada rivojlantirishga xizmat qilmoqda.

2026-yil uchun institutda sport natijalarini yanada yaxshilash, xalqaro maydonda yuqori natijalarga erishish maqsadida aniq rejalar asosida mas'ul mutahassislarni jalb qilingan holda to'garaklarni tashkil etildi.

Sport — bu sog'lom jamiyat, barkamol avlod, vatanparvar inson sifatida shakllanish va kuchli davlat timsolidir. Mamlakatimizda amalga oshirilayotgan keng ko'lami islohotlar, ayniqsa yoshlar o'rtasida sportni ommalashtirishga qaratilgan tashabbuslar o'z samarasini beradi.

Barcha sport bilan shug'ullanuvchilar quyidagi natijalarga erishadi. Ya'ni:

- sog'lig'i mustahkamlanadi;
- mushaklarni kuchayadi;
- semirishning oldini oladi;
- kayfiyatni ko'taradi;
- chidamlilikni oshiradi;
- intizom va iroda tarbiyalaydi;
- immunitetni mustahkamlaydi;
- uyquni yaxshilaydi;
- yangi do'stlar orttirishga yordam beradi;
- o'ziga ishonchni oshiradi;
- mamlakat, xalqaro va jahon musobaqalarida g'olib bo'lib yurtimiz bayrog'ini ko'tartish orqali vatan ravnagiga xizmat qo'shadi.
- Institutda turli sport musobaqalari va to'garaklarni tashkil etish yoshlarning iqtidorini namoyon etishga yordam beradi. Bu esa kelajakda professional sportchilar yetishib chiqishiga ham zamin yaratadi.

Denov tajribasi esa shuni ko'rsatadiki, tizimli yondashuv, zamonaviy infratuzilma va kuchli ruhlantirish natijasida yuqori sport natijalariga erishish, sog'lom va vatanparvar faol yosh avlodini tarbiyalashga erishishimiz.

O.RUZIYEV,
Denov tadbirkorlik va pedagogika instituti rektori.

